

Prozesciun: l'Uniun Ei Val Badia envieia duc i ei y i jogn en vendres, ai 28 de setember ales 19:30 te dljia de Badia a to pert ala prozesciun con linternes o ciandares da San Linert/Badia a Oies.

Pelegrinaje dla jont ladina: l'Union Generela di Ladins dla Dolomites envieia doita la jont ladina a to pert en sabeda ai 29 de setember al pelegrinaje a Oies con cösc program: ales 14:30 encuntada de duc i pelegrins te dljia de San Linert; ales 15:00 via crucis cina al santuar de Sant Ojöp da Oies; ales 16:00 santa messa ladina zelebrada da signor Pire Irsara y conzelebrada dal degan d'Ampez signor Ivano Brambilla, al cianta la Schola Cantorum d'Ampez; ales 17:00 picio renfresch. (UGLD y Uniuns di Ladins dles valades). Enformaziuns plü monüdes, ☎ 349 2150164 o 333 7891347.

Festa por le da dai seniors: la Ciasa de Palsa Ojöp Frëinademetz envieia duc a en domisdé de aorela cörta cun musiga, café y val de duc por festejé deboriada le de di seniors. I s'aspetun en lönesc, ai 1 de otober dales 15.30 ales 17.00.

Grup Atmosfera: en jöbia ai 27 de setember, dales 15:30 ales 17:30, s'encunta endö te Raiun Sozial Val Badia a Picolin le grup de tomp lede Atmosfera por eres y ei atochés da problems psychics. En cösc iade lasciunse ledia nosta fantasia y fajarun val de creatif. Al sará ince endö tomp por s'la cunté y sté adöm con Irina Tavella y Barbara Rungger. Enformaziuns plü monüdes pa Sabine Rainer, ☎ 0474 524519. Duc é bengnüs bel enviés.

Comun de Mareo/1: le Comun lascia alessei che la strada Frena (alta fora) romagnarà slüta ciamo por en edema.

Comun de Mareo/2: le Comun preia der bel che i mituns a La Pli ne vái nia la domegna fá danns pa l'entrada dla scolina: al ven trat fora scorzes y sciürades anentoronn y la ücia de len olache i jüc é sarés daete ven ince rünada. Der bel iolan dla comprenjiun.

La virtù dla vita da vignedé é la speranza,
te chera ch'i fajun ci ch'i sun bogh
y te chera ch'i ti afidun a Chelbeldio ci ch'i ne sun nia bogh.

Karl Rahner

Döt le bun a: Emma Vittoria Feichter Finazzer, Seis * 23.09.1938
Isidor Mühlmann * 24.09.1925
Jan Taibon, San Laronz * 26.09.1933
y a duc chi co á santennom y compless i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ



Tres le vagnele nes á Chel Bel Dio cherdé ala gloria de Gejú Crist, nosc Signur. Alleluia.

📖 Sap 2, 1a.12.17-20 | Iaco 3, 16 - 4, 3 | Mc 9, 30-37

Dal Vangelo do San Merch:

Te chel tomp ³⁰passâ Gejú y sü discepui fora por la Galilea. Mo Gejú n'orea nia che zacai gness alessei; ³¹deach'al orea istruí sü discepui. Al ti á dit: Le Fi dal Om ti gnará sorandé ala jont, y ai le copará; mo trei dis do söa mort ressoriarál. ³²Mo ai ne capía nia le significat de söes parores, ai ne s'anfidá nia da le damané. ³³Ai ea roés a Cafárnaum. Canch'al ea spo te ciasa, i ál damané: Porsora ci eise pa baié sön tru? ³⁴Ai scutâ, deach'ai â baié deboriada sön tru porsora cal co ea le plü gran de d'ei. ³⁵Danló s'á Gejú sonté, á cherdé i dodesc y ti á dit: Chel co ô ester le pröm dess ester l'ultimo de duc y le sorvidú de duc. ³⁶Y al á motü n möt amesa ei, spo l'ál tut te sü brac y ti á dit a d'ei: ³⁷Chel co tol sö n te' möt por mia gauja, tol sö me; chel endere che tol sö me, ne tol nia sö me, mo chel co m'á mené.

Oraziun dal de

Periun! Dio sant, te nes as dé le comandamont dal amur ch'i t'orunse bun a te y al proscim desco adimplimont de döta la lege: dassé la forza de se tigní con fedelté a cösc comandamont, ch'i podunse arjunje la vita eterna.

Do cösc te periunse por nosc Signur Gejú Crist, to Fi, co é Dio y vir y regneia con te tl'unité dal Spirit Sant por duc i secui dai secui. – Amen.

(Lezionar B)



Chel co tol sö n te' möt por mia gauja, tol sö me.

📖 Letöres dla 26. domegna ia por l'ann:

Num 11, 25-29 | Iaco 5, 1-6 | Mc 9, 38-43.45.47-48

Edema liturgica dai 23.09. ai 30.09.2018

DOM 23.	25. domegna ia por l'ann <i>Pio da Pietralcina (Padre Pio), Tecla</i>
08:30	gran messa por dōta la ploania <i>oferta por i debojūgn dla ploania</i>
10:00	s.m. a Al Plan
Lön 24.	<i>Rupert y Virgile, Gerhard, Hermann</i>
07:30	s.m. a Al Plan
Ded 25.	<i>Nikolaus da Flüe, Gottfried, Sergio</i>
07:30	s.m. por fam. Tone y Annamaria Rindler, Nichele s.m. por † Anastasia Terza, André
Dem 26.	<i>Cosmas y Damian, Eugenia</i>
18:00	s.m. a Al Plan
Jöb 27.	<i>Vinzenz de Paul, Dietrich</i>
19:30	s.m. por i nüc Eduard Winkler y Beatrix Terrabona s.m. por †† Kehrer, Fordora
Ven 28.	<i>Wenzel, Lioba, Lorenzo Ruiz y compagns</i>
07:10	s.m. a Al Plan
Sab 29.	fešta dai Sanc Arcangeli Michiel, Gabriel y Rafael
07:30	s.m. por † Jan Daverda, Corterei s.m. por †† Rovara, Aroth
18:00	s.m. prefešta a Al Plan
DOM 30.	26. domegna ia por l'ann <i>Iarone, Urs y Viktor, Sofia</i>
08:30	gran messa por dōta la ploania <i>oferta por i debojūgn dla ploania</i>
14:30	funziun dal Bato de Matthias y Jonas Palfrader
10:00	s.m. a Al Plan
ampola:	por †† Carlo y Maria Kehrer, Mone
ministronc:	▶ da doman y domegna: Armin Frontull y Nadia Trebo ▶ da sera y domegna: Rudi Ellecosta y Alexander Comploi
i recordun:	Ferdinand Kanetscheider, <i>Schweiz</i> + 24.09.2014 Emma Erardi, <i>Desproch</i> + 25.09.2008 Anna Obermair, <i>Leifers</i> + 28.09.2015 Agnese Ellecosta ved. Erlacher + 29.09.2017



Na classifica con le ce jöpert (Mc 9, 30–37)

I ponsi do

*En ater parados de Gejú: le pröm sará l'ultimo!
Dan da d'el é gran chel co vir t'l'umilté y tla disponibilité al sorvisc.
Tó sō n picio mot é desco tó sō Chelbeldio: n messaje tler co va cuntra la logica dal se slü y s'oje demez dan dai plü debli.*

I preii ensciö

Al te sa bel da dí cōsses demorveia y assurdes, Gejú. L'ultimo é ultimo y ne podará mai ester pröm, zonza sbordenades o racomandaziuns particulares. Y a mé, ester l'ultimo, ne mo va nia jö. Tōa classifica sciūra sotissora nostes regoles. Pa nos cunta chi co va danfora y é dagnora pröms, chi co sa da comané y da se fá respeté. La porsona garatada é chera potenta, rica y amirada da düc. Pa te entere, stá al pröm post les porsones sciomples, i püri y chi co sorvesc i atri. I pici val deplü dai potenc y tō te identifichies con chisc. I messará m'aüsé a cōsc ponsé demorveia, sc'i ò veramonter ester n to discepul. Dámo tō la forza!

Walter Cazzaniga, Parola amica – Il Vangelo della domenica per ragazzi



Unité Pastorala Val Badia



Edema dla Fede dai 14 ai 21 d'otober

Tema: "Mia fede – al prigo?"

domegna ai 14	scomanciamont te vigne ploania
lönesc ai 15	mesa torona sōle tema (Corvara)
mertesc ai 16	salmi (Al Plan)
jöbia ai 18	sera d'informaziun sōla crejima (Badia)
vendres ai 19	rapresentaziun dla pasciun (La Val)
sabeda ai 20	concert dai cors (San Martin)
domegna ai 21	conclujiun a Oies

Funziuns liturgiches sō La Crusc



sabeda, 29 de setember, SS. Arcangeli Michîl, Gabriel y Rafael:
ales 07:30 prozesciun da San Linert sō La Crusc,
ales 09:30 santa messa.

jöbia, 4 d'otober, San Francesch:
dales 05:00 ales 06:00 ora d'adoraziun dan le Santiscimo,
ales 06:00 santa messa.

domegna, 7 d'otober: ales 15:00 Santa Messa y traslaziun de Chël Bel Dî dala Crusc a San Linert.

domegna, 14 d'otober: ales 15 a San Linert prozesciun con Chël Bel Dî dala Crusc.